

Ekap kânok Yohaneñâ kulengoip.

Ândiândigât den sâm muyageip.

¹ Topkwap mârumñan gâbâ zem gâip, oi kindapniñâ nângâwen sot sinniñandâ igâwen. Ek nângâm kwâtâtemñâ bitniñandâ gâsuwen, zo ândiândigât den sât.

² Ândiândi mariñâ zo muyagei igâwengât ândiândi kâtikñangât siñgi den dâzângomen. Ândiândi kâtikñâ zo Anutu Ibâgâren zem gamñâ nengâren gâip.

³ Zorat kut ñai ñai ek nângâwen, zorik zen dâzângomen. Zen sot nen sot Ibâ sot nanñâ Yesu Kristo kâmut kânok utnatkât sâmen.

⁴ Yatâ muyagei sâtâre kwâkñan ândinat kât ekap zi kulemgum ziñgan.

Âsakñan ândiândiñ.

⁵ Den siñgi Yesugâren gâbâ nângâwen, zo dâzângomen. Zo itâ. Anutu, zâk âsakñâ. Nâtâtik zâkkâren mân ziap.

⁶ Nen ñâtâtigân ândim Anutu sot pâlâtâñ urâwen sâindâ sâi ko sarâ opap. Oi den bonñâ mân mem ândibem.

⁷ Anutu zâk zik âsakñan ândiap, zo yatik nen âsakñan ândinat zo ko kâmut kânok opñâ nanñâ Yesu Kristo, zâkkât gilâmñandâ sanjonniñgi umniñ salek upap. Yatâ oi tosanñâ zo aksik gulipkubap.

⁸ Nen bâliņâ mân upmen sânat, zo ko umniņ kâitkunat. Oi den bonņâ neņgât umniņan mân zimbap.

⁹ Ka nen bâliņâniņâ sapsunat, zo ko sâi bon opmap, Anutu, târârak mariņandâ tosanij birâm umniņ sanġori salek op kwâtâtinat.

¹⁰ Nen bâliņâ mân upmen, yatâ sâm sâi ko Anutugâren sarâ a ândimen yatâ opap. Yatâ oindâ sâi ko zâkkât den umniņan mân zembap.

2

Kristonġa tânnâņgobap.

¹ Nan bârarâpnâ Yesugât kâmut op ândie, zen bâliņ upegât den zi kulemgum ziņan. Neņgâren gâbâ nġaiņâ bâliņâ upap, zo ko Ibâgâren berân mâme a, Yesu Kristo, zâk târârakņâ mariņâ ândiap, zâkkât nâņgâbap. Zâk betniņan mem Ibâņâ dukui tosanij birâbap.

² Yesu Kristo zâk bâliņâniņanġât suupniņ meip. Oi neņgârâk buņâ, hân dâp ândie aksik, zengât supziņ meip.

³ Nen itâ nâņgen. Nen Anutugât diņâ lum ândim zâk sot pâlâtâņ utnat.

⁴ A nġai, zâk Anutugât diņâ mân lumņâ itâ sâbap, “Nâ Anutu sot pâlâtâņ opman.” Zâk sarâ a. A yatâ zorat umņan den bonņâ mân zemap.

⁵ Nġai zâk Anutugât den nâņgâm lubap, zâk perâkņak umņâ Anutugâren kinbap. Nen yatik Anutugât den nâņgâm lum ândimņâ itâ nâņgânat, “Irak ziren Anutu sot pâlâtâņ op ândien.”

⁶ Nâi zâk Anutu sot pâlâtân op ândian sâbap, zo ko Yesu ândeip, zorat dâp wâratkum ândei dâp upap.

Buku buku opnâ âsaknan ândinat.

⁷ Bukurâpnâ, nâ den uņaknâ nâi mân kulemgum ziņgan. Den zo mârumņan gâbâ nângâm gawe, zorik.

⁸ Oi den kulemguan, zo den uņaknâ oi Yesugâren sot zeņgâren ârândân bon uap. Zo topnâ itâgât. Nâtâtik buņ oi âsaknâ bonnâ muyagem ziap.

⁹ Oi a nâi, zâk bukuņâ kâsa okņanņâmapnâ âsaknan ândian sâbap, zâk tok nâtâtigân ândiap.

¹⁰ Oi nâi zâk bukuņâ umņandâ gâsubap, zo ko âsaknan ândimap. A zo bâliņan mân tâmbetagobap.

¹¹ Ka a nâi, zâk bukuņâ kâsa okņanņâbap, zo ko nâtâtigân ândim nâtâtikkât mâtâp âibap. Nâtâtigân âi siņâ egi nâtiksâi mâtâp mân ek kwâtâtibap.

Patâ sot mâik zen aksik den nângâbi.

¹² A ambân katep, zen Yesuņâ zeņgât suupziņ meip, zorat op tosaziņ gulipkumapkât den zi kulemgum ziņgan.

¹³ Ibârâp, zen mârumņan gâbâ ândim gâip, zâk sot pâlâtân op ândiegât den zi kulemgum ziņgan.

A sigan, zen bâliņâ mariņâ kâsa okņanņâm kâtigiwe, zorat den zi kulemgum ziņgan.

A ambân katep, zen Ibâgâren pâlâtân urâwegât den zi kulemgum ziņgan.

14 Ibârâp, zen mârumņan gâbâ ândim gâip, zâk sot pâlatâtņ urâwegât zenġât den zi kulemgum ziņgan.

A sigan, zen kâtigine Anutugât den umziņan ziap. Zen bâliņâ mariņâ kâsa okņanġâm kâtigiwe, zorat den zi kulemgum ziņgan.

Umniņâ hângât kut ñai ñaiyân mân zimzap.

15 Umziņ hânân mo hângât kut ñai ñaiyân mân pane zimzap. Ñai zâk umņâ hângât kut ñai ñaiyân pâi zimzap, zo ko umņandâ Anutu Ibâ mân gâsubap.

16 Nânġe. Hânân kut ñai ñai bâliņâ ziap, zo itâ. Sâkkât âkņâle, senņâ ekņâ âkņâle, sot umņâ zâizâiņ. Zo Ibâgâren gâbâ buņâ. Zo hânân gokņâ.

17 Hân zâk âkņâleņoot zo buņ upap. Ka ñai zâk Ibâgât den nânġâm lubap, zâk tâmbâņâ ândim zâimâmbap.

Kristogât kâsa muyagibap.

18 Nan bârarâpnâ, narâk pânkânok uap. Kristogât kâsa kâwaliņoot gâbapkât sâsâņ, zo nânġe. Oi narâk ziren kâsarâpņâ donbep muyagem gam ândie. Narâk pânkânok uap, zo nânġe.

19 A zo, zen osetniņan âsagiwe. Oi neņġât buku zo mân ândie. Zen neņġât buku ândim sâi nen mân birâniņġâbe. Zen birâniņġâwe, zorat topņâ itâ. Zen neņġât buku buņâ.

20 Zen ko tirik a Yesuņâ Kaapumņâ ziņġipkât nânġânânġâziņoot ândie.

21 Zen den bonņâ mân nânġâme sâm ekap zi mân kulemgum ziņgan. Buņâ. Zen den bonņâ

nângâmegât opnâ den zi kulemgum zingân. Den sarâ, zo den bon mariņangâren gâbâ mân gâmap.

²² Yesugât kâsa, zo nâi? Yesu, zâk a bâliņan gâbâ mâkâniņgâbap mârûm sâsân, Kristo, zo buņâ. A nâiņâ yatâ sâi zâk sarâ a sâbi. Nâi zâk Ibâ sot nanņâ kwâimbâzikâbap, zâk Kristogât kâsa.

²³ Nâi zâk nanņâ kwâimbâbap, zâk Ibâ birâņangâbap. Ka nâi zâk Yesu zâk bâliņan gâbâ mâkâniņgâbapkât mârûm sâsân sâbap, zâk Ibâ sot pâlâtân upap.

²⁴ Mârûmņan gâbâ Kembangât den nângâm ândim gawe, zo nângâne umziņan zeî nângâm ândibi. Zen yatâ op ândim nanņâ sot Ibânâ, zet sot pâlâtân op ândibi.

²⁵ Yesuņâ kut nâi niņgâbapkât sâm kâtigeip, zo ândiândi kâtiknâ.

Kaapumņâ sanjonņigi Yesugâren sâtârem kinat.

²⁶ A zij um gulip kwatziņgâbegât ekap zi kulemgum zingân.

²⁷ Zengât itâ san. Kaapum zingip, zo zengâren ziap, zorat wangât a nâiņâ den dâzângobap? Kaapum zingip, zâknâ kut nâi nâigât den dâzângomap. Den topnâ dâzângomap. Zâkkât den zo sarâ buņâ, zo bonņâ. Oi zen Kristo sot pâlâtân op ândibigât dâzângoip, zo yatâ upi.

²⁸ Nan bârarâpnâ, zen Kristo sot pâlâtân op ândibi. Yatâ op ândine zâk âsagem gâi kenğât sot aņun mân op mâteņan âi kinbi.

²⁹ Anutu zâk târârak ândimap. Zen zâkkât yatâ nângâme. Zorat a nâi, zâk târârak ândei eknâ sâbi, “Zâk Anutugâren gâbâ muyageip.”

3

Anutugât nan bârarâp ândien, zorat topnâ.

¹ Nângânek. Ibâniñandâ nenğât umnâ donbep kinzap. Kiri nenğât nan bârarâpnâ sâmap. Oi nen yatâ zo ândien. A um kâtik, zen mân buku otningâme, zorat topnâ itâ. Zen Anutu mân buku oknangâme.

² Bukurâpnâ, nen narâk ziren Anutugât nan bârarâp ândien. Oi biken dap muyaginat? Zo mân nângen. Ka itâ nângâm kwâtâtien, “Kembuniñâ takâm gâi tobatnâ eknâ yatik utnat.”

³ Nâi zâk zo yatâ nângâm um bâbâlan op ândi mâmanñâ kubiknâ târârak ândibap. Zâk Kembu târârak ândimap, zo yatik ândibap.

Bâliñ op Satangât orot.

⁴ Nâi zâk bâliñ memap, zâk gurumin den komap. Gurumin den kukunâ, zo bâliñâ bonnâ uap.

⁵ Yesugât itâ nângâme, “Zâk bâliñâ maatibam geip. Oi zâk bâliñâ mân oip.”

⁶ Oi nâi zâk Yesugâren pâlâtân op ândimapnâ bâliñ mân opmap. Ka nâi zâk bâliñ opmap, zâk zo Yesu mân ek nângâmap.

⁷ Nan bârarâpnâ, nâiñâ um gulip kwatziñgâbâ sâi mân nângâbi. Nâi zâk târârak mâtâbân âibap, zâk târârak a. Yesu târârak ândimap, zo yatâ ândibap.

⁸ Ka a nâi, zâk bâliñ opmap, zâk Satangât a. Satan zâk topnan gâbâ bâliñâ tuum ândim gâip. Yatik ândiap. Oi Anutugât nanñâ zâk Satangât nep kândanbam geip.

Anutugât nan bârarâp ândim bâliņ mân orot.

⁹ Anutuņâ kâmut gakârâpņâ ândiândigât kâwali ziņgip, zorat zen dap dabân yatâ bâliņâ mem ândibi? Zen Anutugâren gâbâ gokņâ, zorat bâliņâ mân upme.

¹⁰ Anutugât nan bârarâp sot Satangât nan bârarâp, zeņgât topziņâ itâ muyagei iknat. Nâi zâk ândiândi târârak mân ândibap, zâk Anutugâren gâbâ gokņâ buņâ. Oi nâi zâk bukuņâ kâsa okņangâbap, zâkkât yatâ Satangâren gokņâ sâsâņ.

¹¹ Kembugât den mârumņan gâbâ nâņgâm gawen, zo itâ, “Umziņandâ gâsâyagom ândibi.”

¹² Adamgât nanņâ Kain, zâkkât mâtâp mân lâņnat. Zâk bâliņ mariņangâren gâbâ gokņâ, zorat munņâ koi moip. Zo itâgât. Zikņâ ândiândiņâ, zo bâliņâ. Munņangât ândiândiņâ, zo âlipņâ. Zorat op ko koi moip.

Yesuņâ buku otniņgipkât buku orangânat.

¹³ Bukurâpnâ, um kâtik ziņâ kâsa otziņgâne nâņgâne nâi mân upap.

¹⁴ Nen bukurâpniņ buku otziņgâm ândiengât niinangât itâ nâņgâmen. Mumuņan gâbâ ândiândiyân bagiwen. Nâi zâk bukuņâ buku mân okņangâbap, zâk tok mumuņan ândibap.

¹⁵ Oi nâi zâk bukuņâ kâsa okņangâbap, zâk kâmbam ku a yatâ, a kuktâ. Zen itâ nâņgâme, “Kâmbam ku a zeņgât umziņan ândiândi kâtik mân muyagem ziap.”

¹⁶ Yesu zâk neņgât op ândiândiņ biri buku orotņangât topņâ iksen. Oi nen yatigâk

bukurâpnij zengât op ândiândiniņ birindâ dâp upap.

17 Ka a nâi hângât sikum zemņangi bukuņâ wan mo wangât kwakpap oi ekņâ mân nâņgâņņâbap, zâk dâp yatâ umņandâ Anutugâren kinbap? Zo buņâ.

18 Nan bârarâpnâ, buku orotņâ, zo den mo sâtnak mân sâsâņ. Betņâ sot umņâ utnat.

19 Yatâ oindâ den bonņangât kâmurân ândien, zorat topņâ muyagei nâņgânat. Oi Anutu mâteņan umņiņâ keņgât buņ ândinat. Anutu mâteņan umņiņâ keņgât opapkât itâ nâņgânat.

20 Umņiņandâ keņgât oi itâ sânat, “Anutu zâk umņiņangât dâp buņâ. Zâk tobat nâi ândim kut nâi nâi aksik zo nâņgâm naņgâmap.” Zorat nen keņgât kândâtkum zâkkâren nâņgâm pâlâtâņ kwâkņangâm ândinat.

21 Bukurâpnâ, umņiņandâ keņgât mân oi Anutu mâteņan umâlip ândinat.

22 Oi diņâ lumņâ zâkkât mâteņan kut nâi nâi oindâ egi âlip opmapkât zâkkâren wan mo wangât sâindâ niņgâmap.

23 Zâkkât gurumin den itâ ziap, “Nanņâ Yesu Kristo nâņgâm pâlâtâņ kwapņâ umziņandâ gâsâyagom ândibi.” Nen yatâ utnatkât Yesuņâ sâm niņgip.

24 A zen Anutugât den lume, zen zâk sot pâlâtâņ op ândime. Zâkoot zen sot pâlâtâņ opmap. Anutu zâkņâ Kaapumņâ niņgip, zorâņ sapsum niņgi nâņgâmņâ itâ nâņgen, “Anutu zâk nen sot ândimap.”

4

Tirik Kaapum sot wâke, zengât den.

¹ Bukurâpnâ, a den sâme, zo yen mân nângâbi. Den zorat topnâ nângâm sâlâpkum ikpi. Den zo Satangâren goknâ mo Anutugâren goknâ, zo nângâm ândibi. Wangât, propete a sarânâ donjebp muyagem ândie, zorat.

² Den Anutugât Kaapumân goknâ, zen itâ ikpi. A nâi, zâk itâ sâbap, “Yesu zâk a bâlijan gâbâ mâkâniŋgâbapkât sâsân, Kristo, zo zâk hânân muyageip.” Den zo yatâ sâi ko Anutugâren gâbâ âsageip.

³ Oi a nâiŋâ Yesugât itâ sâbap, “A bâlijan gâbâ mâkâniŋgâbapkât mârum sâsân zo, zâk buŋâ. Zâk a yenŋâ op hânân muyageip.” Den zo yatâ sâbap, zo ko den zo Anutugâren goknâ buŋâ. Den zo Kristogât kâsaŋâ yatâ opap. Kâsa zâkkât itâ nângâme. Kâsa zâkkât imbanâ hânân muyag-ibapkât sâsân, zo mârum zi muyagiap.

⁴ Nan bârarâpnâ, zen Anutugâren goknâ, zorat ziŋâ propete sarânâ zen sot agom kâtigemnâ kâsa otziŋgâwe. Oi zengât umziŋan ândiap, zorânâ propete a sarâ zengât umziŋan ândiap, zo walâmap.

⁵ Propete sarânâ zen hânân goknâ, zorat hângât den sâne um kâtik a ziŋâ nângâme.

⁶ Nen ko Anutugâren goknâ. A Anutugât den nângâme, zen dinniŋâ nângâbi. Ka nâi zâk Anutugâren gok buŋandâ dinniŋâ mân nângâbap. Den bon mariŋâ, Kembugât Kaapumnâ sot Satan arâpnâ, zengât topziŋ yatâ âsagei iknat.

Anutuņâ buku otniņgip, zorat topņâ.

⁷ Bukurâpnâ, nen umniņandâ gâsâyagom ândinat. Buku orotņâ, zorat topņâ Anutu. Nâi zâk bukurâpņâ buku otziņgâmap, zâk Anutugâren gâbâ muyageip sot Anutu sot pâlâtâņ opmap.

⁸ Nâi zâk bukurâpņâ mân buku otziņgâmap, zâk Anutu mân ek nâņgâmap. Buku orotņangât topņâ Anutu. Anutu umņandâ gâsânâņgom buku otniņgâmap.

⁹ Anutuņâ nanņâ kânok ândiândi muya-geņiņgâbapkât sâņgongoi hânân gem gâip. Anutu umņandâ gâsânâņgom yatâ otniņgip.

¹⁰ Buku orotņangât topņâ itâ ziap. Nen Anutu mân buku okņangâwen. Zâkņâ buku otniņgâm nanņâ sâņgongui gemņâ bâliņâniņangât suupņâ mem moip. Zorat nen Anutu mâteņan um salek kinat.

Anutuņâ buku otniņgâmap yatik neņgoot buku otziņgânat.

¹¹ Bukurâpnâ, Anutuņâ buku otniņgipkât neņgoot yatik umņâ buku buku oraņgânat. Nen yatâ oindâ dâp upap.

¹² A sinniņandâ Anutu mân igâwen. Um buku oraņgâm ândinat oi ko Anutu zâk nen sot pâlâtâņ oi buku orotņâ bonņâ neņgâren muyagem kwâtâtibap.

¹³ Zâk Kaapumņâ niņgip, zorat itâ nâņgen. Zâk nen sot pâlâtâņ opmap. Nen zâk sot pâlâtâņ upmen.

¹⁴ Ibâ zâk nanņâ hân dâp a nen kubikniņgâbapkât sâņgongoi geip. Oi nen

sinniñandâ igâwengât den zo sâ m uyagem dâzângomen.

¹⁵ Oi a ñâinâ, Yesu zâk Anutugât nanñâ sâbap, zâk Anutu sot pâlatân upap. Oi Anutuñâ zâk sot pâlatân upap.

¹⁶ Zo yatâ oi itâ nânngen, “Anutu umñandâ gâsânângomap.” Zo ek nânngâm kwâtâtien.

Anutu zâk buku orot zorat mariñâ. Nâi zâk buku upapñâ Anutu sot pâlatân upap. Oi Anutuñâ zâk sot pâlatân upap.

Buku op kenğât mân utnat.

¹⁷ Biken den sâ m kwâkâkwâkân narâkñan kenğât buñ kinatkât Anutuñâ buku otniñgip. Oi Yesuñâ buku otniñgâm ândimap, zo yatik hânân zi buku orañgâm ândinat.

¹⁸ Kenğât sot buku, zet buku buku buñâ. Buku bonñandâ kenğât molibap. Kenğât, zo to sagât hâuñâ zo nânngâm upme. Nâi zâk kenğât mem ândibap, zâkkâren buku mân muyagiap sâsân.

¹⁹ Nen ko Anutuñâ kândom buku otniñgipkât buku op ândimen.

²⁰ Nâi zâk Anutu buku okñañgâman sâ m bukuñâ kâsa okñañgâbap, zâk sarâ a. Nânğânek. Nâi zâk bukuñâ senñâ igikñâ buku mân okñañgâmñâ dap op Anutu mân igikñâ, zo buku okñañgâbap?

²¹ Yesugât den itâ ziap, “Anñâ Anutu buku okñañgâmñâ bukuñâ buku okñañgi dâp upap.”

5

Anutu sot pâlatân op ândinat.

¹ A nâinâ, Yesu zâk a bâliņan gâbâ mâkâniņgâbapkât mârûm sâsâņ zo, sâm nâņgâm pâlâtâņ kwâkņaņgâbap, zâkkât Anutugât nanņâ sâsâņ. Oi nâi zâk Ibâ muyamuyagiņ buku okņaņgâbapņâ Ibâgât kiurâp yatik buku otziņgâbap.

² Nen Anutugât nan bârarâp buku otziņgâmen? Buku otziņgâmen, zo ko Anutu buku okņaņgâm, zâkkât den lugindâ, zorâņâ topniņ sapsubap.

³ Anutu buku yen mân okņaņgânat. Diņâ lum buku okņaņgânat. Anutugât den zo yâmbâtņâ buņâ.

⁴ Anutugâren gâbâ muyagiwen, nen um kâtik a zeņgât orot mâme walâziņgâmen. Itâ opņâ walâziņgâmen. Nen Kembugâren nâņgâm pâlâtâņ kwâkņaņgâm ândim hângât imbaņâ zo kom birâm walânat.

⁵ Nâiņâ kâtigem kin hângât âkâk gâlâk zo koi gibap? A nâi zâk, Yesu zâk Anutugât nanņâ sâm, nâņgâm pâlâtâņ kwâkņaņgâbap. A zorâņ bonņâ upâp.

⁶ Yesu Kristo zâk sumbemân gâbâ hânân geip. Hânân ândim toin giari Yohanenâ saņgonņaņgip. Oi a ziņ poru nagân kune gilâmņâ gem gâip. Tooyâk buņâ. Too sot gilâm ârândâņ.

⁷ Oi Kaapumņâ Yesugât topņâ sâm muyagemap. Oi Kaapum zâk den bonņaņgât mariņâ. Sarâ mân sâmâp.

⁸ Karâmbut ziņâ tânagom kin topņâ sâm muyagime, zen Kaapum sot too sot gilâm. Karâmbut zen zâkkât den kânok sâme.

⁹ A ziņ tânagom den sâne nâņgindâ bonņâ opmap. Oi Anutuņâ den nâi tângoï walâmap.

Anutuŋa den n̄ai s̄ai bonŋa opmap. Anutuḡat t̄an den zo nanŋaŋḡat den zo s̄ai muyageip.

¹⁰ N̄ai z̄ak Anutu nanŋa n̄anḡam p̄al̄at̄an kw̄akŋaŋḡabap, z̄ak Anutuḡat den bonŋa n̄anḡamap. N̄ai z̄ak Anutuḡat den m̄an n̄anḡabap, z̄ak Anutuḡat sar̄a a s̄abap. A yat̄a zor̄an Anutuŋa nanŋaŋḡat den t̄angoip, zo n̄angi bon buŋ upap.

¹¹ Oi Anutu nanŋaŋḡat den t̄angoip, zo it̄a muyageip. Anutu z̄ak āndiāndiŋ k̄atik muyagem niŋgi. Āndiāndi k̄atik zo nenŋat siŋgi s̄ai nanŋand̄a galem oi ziap.

¹² N̄ai z̄ak nanŋoot p̄al̄at̄an upap, zo āndiāndi k̄atik mimbap. Ka n̄ai z̄ak nanŋa sot p̄al̄at̄an m̄an upapŋa āndiāndi k̄atik m̄an muyagibap.

Nin̄au sot b̄aliŋḡat den.

¹³ Zen āndiāndi k̄atik miwe, zorat n̄anḡabiḡat ekap zi kulemgum ziŋgan. Zen nanŋaŋḡaren n̄anḡam p̄al̄at̄an kwatne āndiāndi k̄atik zemziŋgap.

¹⁴ Nen it̄a s̄am Anutu um̄alep n̄anḡaŋḡamen. Nen wan mo wanḡat zikŋak n̄angi ziap, zorat nin̄au s̄aind̄a n̄anḡaniŋḡabap.

¹⁵ Zorat opŋa wan mo wanḡat nin̄au s̄aind̄a n̄anḡaniŋḡabap. Zorat n̄anḡam it̄a n̄anḡanat. Kut n̄ai n̄ai zo nenŋat siŋgi sap.

¹⁶ N̄ai z̄ak bukuŋand̄a b̄aliŋ oi ikpap, (B̄aliŋa zo simḡat siŋgi m̄an muyagibap.) zo ekŋa z̄akk̄at opŋa nin̄au s̄ai āndibap. B̄aliŋa n̄ambutŋa opŋa simḡat siŋgi m̄an upi. B̄aliŋa yat̄a zorat san. Oi b̄aliŋa n̄ai opŋa simḡat siŋgi orotŋa, zo ziap. Yat̄a zorat nin̄au s̄abiḡat m̄an san.

17 Ândiândi bâliņâ top top zo bâliņik. Oi bâliņâ torenņâ zo simgât sinġi mân uap.

18 Nen itâ nânġâmen. A mo ambân Anutugâren gâbâ muyageipņâ bâliņâ mân opmap. Anutugât nanņandâ galem oi bâliņâ mariņandâ mân tâmbetkubap.

19 Nen Anutugâren gâbâ muyagiwen. Oi hân dâp a zie, zen ko bâliņ mariņanġât bikņan ândie. Zo yatâ nânġâmen.

20 Anutugât nanņâ, zâk gemņâ um nânġânânġâ muyagem niņġipkât den bonņâ mariņâ nânġâm pâlâtân kwâkņanġâmen. Oi den bon mariņâ sot nanņâ Yesu Kristo, zet sot pâlâtân op ândimen. Zâkņâ Anutu bonņâ sot ândiândi kâtik mariņâ.

21 Nan bârârâpnâ, zen Bem lopio kândâtzânġom ândibi.

Zo yatik.

SINGI ÂLIP EKAP
The New Testament in the Komba Language of Papua
New Guinea
Nupela Testamen long tokples Komba long Niugini
copyright © 1980 Wycliffe Bible Translators, Inc.

Language: Komba

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

PDF generated using Haiola and XeLaTeX on 18 Apr 2025 from source files dated 31 Aug 2023

8e5b8dff-a54f-5e56-9b8c-1906f06b22d1